

Juli 13, 2019

www.awemainta.com

www.facebook.com/awemainta

noticia@awemainta.com

583-1400



AWEMainta

15
año

Cuerpo Policial Aruba nomina na Association of Caribbean Commisioners of Police



PAGINA 4

 **INVEST
SECURE**
We don't just say it ... We Guarantee it !!!

ASIS
INTERNATIONAL
Advancing Security Worldwide®

*Your security protection
partner since 1996*

Tel: 582-7252

Everyone deserves a safe place to work,
live and play.

Prome Minister Evelyn Wever-Croes:
Bienestar di nos pueblo ta na prome lugar:

Reino Hulandes lo mantene frontera cu Venezuela cera

Aparentemente Aruba Airlines kier pone presion

PAGINA 3

Solucion practico bon pa medio ambiente y sin costa pueblo nada mas

EcoGas a firma acuerdo historico pa reuza tur desperdicio di Aruba

ECOGAS aworaki ta reciclando y exportando 15% di tur sushi residencial y comercial di Aruba, dentro di algun luna EcoGas lo recicla y exporta e resto di 85% di desperdicio, exportando envirobalesnan pa Colombia pa ey uza nan como combustibel den fornonan cu ta produci cement. E calidad di e envirobalesnan cu EcoGas ta produci despues di un proceso profesional y moderno di reciclahe, ta haci cu por uza e material sin ningun problema. P'esaki EcoGas a firma un acuerdo cu Grupo Argos S.A. e siman aki na Cartagena, Colombia.

“Nos vision pa cu reciclahe y procesamiento di desperdicio a inicia for di año 1985 caba cu EcoTech. Na caminda nos a profesionalisa e sistema cu EcoGas den un esfuerso pa procesa sushi produciendo gas pa genera coriente. D'eynan nos a cambia pa Envirobales cu aworaki nos ta derando na Ser'i Tijshi. Pero, awor nos a logra yega na un solucion mas practico, mas eficiente, mas duradero y mas cu tur cos, sin inversion adicional y sin ningun costo adicional na comunidad”, asina Eddie de Veer, CEO di MetaCorp a duna di conoce despues di a firma e acuerdo historico aki cu Grupo Argos na Cartagena. E acuerdo aki, cu ta awor ainda ta den forma di un MoU, pendiente ultimo revisionnan di abogadonan di ambos compania na Aruba y na Colombia, a tuma lugar na nan fabrica di cement na Cartagena.

Pa Aruba tabata presente Eddie de Veer y Robert Carrasquero di MetaCorp, Ramsey Halabi, Alfredo Ruiz y Wendell Bennett di EcoGas.

Pa banda di Grupo Argos S.A. tabata presente Carmen Aidee Aspiazu, den representacion di gerencia di e compania y Mauricio Giraldo, como Director di Recursonan Alternativo.

Cu e acuerdo aki, EcoGas Aruba, funda desde año 2010, ta cla pa hiba maneho di desperdicio na un siguiente nivel. Cu e acuerdo, e recogemento di sushi ta sigui mesun cos, e procesamiento di sushi tambe ta sigui normal den e planta di EcoGas, pero enbes di hiba e Envirobalesnan pa Ser'i Tijshi pa dera nan bou tera, lo hinca nan den container y exporta nan pa Colombia. Ey ta uza e bultonan den forno pa logra yega na temperaturanan halto pa traha cement.

“Di e forma aki, ningun sushi ta keda atras mas. Pasobra carton, aluminium y hero nos ta recicla caba y exporta. E poco likido cu nos ta saca for di e su-shinan ta bay planta di purificacion pa recicla y e resto, cu awor nos ta dera, nos lo exporta pa Colombia, uzand'e pa traha cement.

Pues nada ta keda atras, ni na Aruba y ni na Colombia.

Di e forma aki nos ta soluciona un reto di hopi decada riba nos isla”, asina Ramsey Halabi a bisa cu un cara di satisfaccion, despues di biba e momento historico aki.

Pa EcoGas, locual ta mas importante den e acuerdo aki ta cu e formula lo no costa mas placa pa pueblo ni pa comercio. Lo sigui paga mesun cos cu ta pagando awor, pero cu un satisfaccion cu e sushi no ta bay riba dump pa crece bay halto.

E solucion aki t'esun mas eficiente, economico y bon pa medio ambiente cu tin riba mesa awor, pasobra otro idea lo conduci cu automaticamente e suma cu ta paga awor pa recoge y procesa sushi lo aumenta drasticamente manera e Ministro a anuncia e siman aki!



TOCANTE GRUPO ARGOS

Grupo Argos S.A. ta un compania Colombiano funda na año 1934, cu inversionnan grandi den e industria di cement y energia. Su operacion di cement ta opera for di 15 diferente pais, manera Colombia, Merca, Panama y for di Caribe. Su oficina principal ta establece na Medellin, Colombia y na Merca nan ta opera for di nan oficina situa na Alpharetta, Georgia.

Cementos Argos S.A. ta un productor di materialnan di construccion na Colombia, lider den e mercado di cement na Colombia. E t'e di 4 productor mas grandi di henter Latino America y e unico productor di cement blanco na Colombia. E t'e di 2 productor mas grandi di concreto y e di 4 productor di cement mas grandi di Merca y ta exporta cement y klinker pa 27 pais rond mundo. Nan tin 14 planta di cement, di cual 11 ta situa na Colombia y e resto na Panama, Haiti y Republica Dominicana.

Prome Minister Evelyn Wever-Croes: Bienestar di nos pueblo ta na prome lugar:

Reino Hulandes lo mantene frontera cu Venezuela cera

Aparentemente Aruba Airlines kier pone presion

PROME Minister Evelyn Wever Croes a enfoca riba e tema di e ceramento di frontera cu Venezuela. E tema aki a trece hopi confusion y preocupacion den pueblo. Alabes, e ta keda un tema hopi dinamico cu hopi cambio constantemente den e situacion aki y constantemente tambe Gobierno ta keda na haltura di tur informacion y cambio p'asina tuma e mihor interes y decision den esaki.

Despues cu Prome Minister Evelyn Wever Croes a reitera su posicion, a resulta cu Aruba Airlines kier chantegea Gobierno, dor di e.o. a dicidi pa cancela tur buelo di Aruba Airlines entre e islanan ABC. Bo ta puntra bo mes, kico e islanan ABC a haci, cu nan respectivo pueblo tin cu ser priva di por bula interinsular. Siendo tur buelo interinsular, ta practicamente yen tur dia.

Pesey loke cu Aruba Airlines ta haciendo ta ser mira como un chantage, cu sigur lo no ser tolera.

Premier Wever-Croes ta enfatisa un biaha mas cu e situacion pa cu e frontera di Aruba ta igual. E frontera ta cera y por lo pronto Reino Hulandes lo mantene e frontera cera apesar cu tin peticionnan haci pa excepcion den e caso di transito cu ta wordo considera, pero prome cu tuma decision y honra peticionnan, Gobierno di Aruba ta studiando y evaluando tur cos bon prome.

Gobierno di Aruba ta preocupa pa cu e situacion di Aruba Airlines cu por resulta den perdida di trabou pa hopi mama of tata di famia. Esey t'e menasa di parti di e.o. Aruba Airlines. Pero n'e momentonan aki, Gobierno di Aruba no por duna un simpel excepcion na prome lugar pasobra no tin seguridad cu esaki lo scapa e aereolinea.

E negoshi aki ta hopi dificil y cu hopi faceta pa tene cuenta cu nan pa cua motibo Gobierno di Aruba lo no tuma niun riesgo cu un excepcion di habri frontera.

Mientrastanto e doño di Aruba Airlines, Estevan Valles a desmenti cu e kier sera e compania, pero e impresion ey e ta dunando cu su accionnan. E no a desmenti e informacionnan cu e lo tin cu bay over na retira algun di su trahadornan, alegando cu e tin cu corta gasto si.

Evelyn Wever Croes a bolbe reitera cu na momento cu Aruba a cera frontera cu Venezuela dia 10 di mei, ni Bonaire ni Corsou mester a cera nan frontera, pasobra ya Venezuela tabatin e fronteranan ey cera caba. Den Reino Hulandes e ora a bay delibera y aki ta na unda Corsou, Bonaire y Hulanda a pidi Aruba pa atende e tema aki conhuntamente.



Durante e deliberacionnan aki a yega na algun punto di salida. E prome punto ta cu e frontera no por keda enternamente cera segun regla internacional pasobra Aruba no ta den guerra cu Venezuela. Sinembargo tanten cu Venezuela ta den e situacion cu e ta, ta dificil pa Aruba keda cu “business as usual” cu Venezuela manera antes, pasobra e situacion aki ta birando un peso hopi grandi pa Aruba.

P'e motibo aki a keda palabra entre Aruba, Corsou, Bonaire y Reino Hulandes cu lo tuma tempo pa ta mihor prepara pa acapara cu e fluho grandi di persona. Mientrastanto, e frontera ta keda cera.

Tambe Gobierno di Aruba, teniendo cuenta cu no por tene e frontera cera pa semper, ta haciendo preparativonan pa si yega asina leu un dia Aruba por introduci e ESTA di Aruba, den cual un persona cu kier bin Aruba for di Venezuela, mester aplica pa un ESTA online, similar n'e ESTA cu nos ta aplica pa bay Merca.

Di e forma aki por controla mihor ken y cuanto hende ta drenta Aruba for di Venezuela. E ley ta wordo prepara awor y tambe e sistema automatiza pa por maneha e ESTA. Gobierno ta spera cu e proceso di preparacion por keda cla den e siguiente dos lunanan. Tantén e ESTA no ta ‘in place’ Aruba lo no habri frontera cu Venezuela.

“E frontera ta cera y Gobierno di Aruba ta evaluando den ki otro forma por yuda e compania di Aruba Airlines como tambe otronan cu ta wordo afecta cu e ciere di frontera, e.o. e costo halto di fruta y berdura cu tambe tin pueblo preocupa y Gobierno ta buscando solucion pa cu esaki. E momento aki, e bienestar di pueblo di Aruba ta bin na prome luga. Aruba prome, e ora e frontera mester keda cera”, Prome Minister Evelyn Wever-Croes a enfatisa.

Cuerpo Policial Aruba nomina na Association of Caribbean Commissioners of Police



Cuerpo Policial Aruba recientemente a wordo nomina den tur e islanan cu ta forma parti di ACCP. Tur aña ACCP ta tuma lugar y na unda Alto Comisario ta presente of ta manda un representante.

E aña aki Comisario di Polis sra Irma Gordon tabata e persona cu a bay representa KPA den e reunion aki. Den e reunion aki ta ser papia di diferente tema cu ta pasando den Caribe. Aruba tabatin e honor di ta presente y forma parti n'esaki.

Tur aña tin diferente nominacion y e aña aki a toca na Aruba pa ta den e nominadonan.

Comisario sra. Irma Gordon a tuma e plakaat den nomber di Cuerpo Policial Aruba. KPA a wordo nomina den e e categoria di Top Caribbean Crime Fighter y den categoria di Top Community Policing Officer.

Den e categoria di Top Caribbean Crime Fighter, sr. R. Marsdin a wordo nomina y p'e categoria di Top Community Policing Officer tabata sr. K. Meijerhof.

Aruba no a gana e premio maximo, pero di a wordo nomina caba tabata un honor grandi y Aruba su nomber a wordo bon representa.

Cuerpo Policial Aruba ta sumamente orguyoso di su Polisnan cu a wordo nomina den full Caribe y con e trabao di Cuerpo Policial ta wordo aprecia den Caribe.

Inicio di Investigacion Nacional riba uzo problematico di droga y alcohol

Conduci pa Caribbean Reality Studies Center

ADICCION di droga ta causa hopi inseguridad y problema social na Aruba. E ultimo 10 añanan e situacion na Aruba a bira pio. Nos ta mira famianan kibra, un impacto negativo riba educacion di e generacion nobo y daño na nos productividad laboral.

Tur hende cu tin un ser keri cu a cay den droga ta conciente di e problemanan social cu esaki ta trece cu ne y ta sinti e impotencia di no por haci nada. E noticianan ta muestra un efecto preocupante riba e pilar economico di Aruba cu ta turismo.

Como comunidad nos tin e obligacion pa atende e problema grandi aki, pa protege nos comunidad, pa evita cu nos hendenan mas vulnerabel ta bira victima y pa para e tendencianan actual cu por haci un daño irreparable. E delaster Investigacion Nacional riba e impacto social di droga na Aruba a tuma lugar 22 aña pasa y ainda e ta wordo uza frecuentemente. Pero e situacion a cambia y a bira mas problematico, pasobra nos no tin e problema di adiccion bao di control.

Tin necesidad pa haci un Investigacion Nacional actualisa y mas amplio pa por bin cu programa y proyecto efectivo pa reduci e impacto negativo di droga na Aruba.

Awe ta anuncia e inicio di e *Investigacion Nacional Uzo Problematico di Droga y Alcohol na Aruba*, riba encargo di Ministerio di Turismo, Salubridad y Deporte y Ministerio di Asunto Social y Labor den cuadro di e Crisisplan Social.

Caribbean Reality Studies Center, un centro di investigacion Arubiano cu 20 aña di experiencia, ta responsabel p'e investigacion científico aki, cu lo involucra tur stakeholder riba tereno di droga.

E investigador principal ta dr. Glenn Sankatsing kende a haci e Investigacion Nacional riba e impacto social di droga na Aruba na 1997. Lo tin cooperacion estrecho cu tur organisacion cu tin di haber cu e efectonan negativo di abuso di substancia, cu prevencion, rehabilitacion y resocialisacion.

E investigacion lo identifica e factornan di riesgo cu ta laga un persona bira un uzado problematico di droga of alcohol y cu ta lag'e cay den adiccion y aislamiento social.

Un uzado casual, cu tin biaha ta dal un drinks of uza un substancia prohibi no ta un problema social, si no tin otro factor di riesgo. E Investigacion Nacional aki lo concentra riba e uzado problematico di droga of alcohol, pa por identifica e causa y factornan cu ta haci un persona vulnerabel pa adiccion.

Ta difícil pa haya respuesta valido cu un entrevista sensitivo di un uzado di droga. Esey t'e motibo pa haci e investigacion den dos fase pa cubri e tema cu un combinacion di investigacion mas chikito.

E prome fase tin 10 investigacion pa haci un diagnostico di e uzo problematico di droga y alcohol.

E di dos fase tin 7 investigacion cu ta studia e clientela di 5 organisacion di rehabilitacion y cu ta traha e historia di bida di 50 uzado problematico rond di Aruba, pa identifica e situacionnan di vulnerabilidad y riesgo. E resultadonan combina lo duna un bista completo pa por bin cu accion concreto.

Finalmente, e resultadonan lo wordo presenta na tur instancia di Gobierno y priva riba e tereno concerni, p'asina por haya feedback pa ofrece un strategia y programa di accion practico.

E enfoke central di e investigacion no ta combatimento di malesa, sino promocion di salud. Un curpa y un sociedad saludabel t'e mihor proteccion y prevencion contra malesa fisico y social.

Ora nos a identifica e condicionnan social, cultural, psicologico y economico cu ta haci un persona vulnerabel of cu ta crea circunstancia di riesgo, nos tin un cuadro solido pa un strategia mas eficiente.

E investigacion aki ta conta cu e cooperacion y sosten di nos comunidad cu ta conciente di e importancia di e tema aki. Particularmente lo involvi instancia y persona cu tin di haber cu e problema aki, pa haya nan cooperacion maximo.

Cu e esfuerso di tur hende aki un aña nos por implementa un strategia basa riba e resultadonan di un investigacion científico cu por yuda nos reduci e impacto social negativo cu droga tin riba nos comunidad.

Parlamentario y Ex Alto Inspector Robert Candelaria

Situacion di falta di bala den Cuerpo Policial ta algo IMPOSIBEL

Cuerpo Policial Aruba actualmente ta den situacion tenso y inaceptabel for di momento cu a informa cu nan municion ta na un nivel asina abou cu mester a pidi ayudo di hermana isla Bonaire, mientras ta pidi investigacion riba kico ta tumando lugar.

Robert Candelaria (AVP) ta di opinion cu locual cu ta pasando ta sumamente lamentabel y imposibel di acepta.

E ta bisa cu no por t'asina cu un Cuerpo Policial cu t'ey pa mantene ordo y regla di nos pais, mester papia si nan tin bala of no. Loke ta pasando, Robert Candelaria ta bisa, ta confirma loke el a bin ta vocifera for di momento cu e Minister aki a sinta, esta cu e no tin prioridad.

Na mes momento tambe ta cuestiona ta con e Minister aki por percura pa tin un helicopter, cu ta costando miles pa dia, mientras lo basico necesario no ta regla.

Ta papiando di algo cu Polis mester di dje na su koppel, basis uitrusting, no ta ekipo nobo moderno of caro, ta papia di locual ta basico na momento cu bo bira Polis y esaki no tin placa p'e of no a keda regla.

Locual por a compronde ta cu e situacion aki ta tumando lugar for di 2 aña caba, te awe no por saca afo unda y/o ken a faya den e situacion aki, tampoco unda e placa y e balanan a keda, cu ta algo inaceptabel.

MINISTER ANDIN BIKKER TA COMETE FAYO GRANDI UN TRAS DI OTRO

Parlamentario Robert Candelaria ta para riba e hecho cu no tin un Mando Policial cu ta cla, no ta cla con of dor di ken e organisacion ta keda guia, lagando espacio habri si t'esun actual of no, bo ta haya e tipo di situacionnan aki.



P'esey e ta keda insisti riba nombra un Alto Comisario p'e Cuerpo Policial di pais Aruba.

E persona cu ta encarga cu e departamento cu tin cu percura pa tin material pa traha cun'e, e Minister aki a keda suspendi den e proceso aki algun luna atras, mientras a keda demostra cu e no tabatin nada di haber cu e sucedido, pero a opta pa no pone bek den funcion y clear su number. Mientrastanto e situacionnan aki ta keda ripiti.

Polis semper a keda motiva, maske durante añas a confronta cu falta di material, nan semper a bin bek traha pa mantene seguridad p'asina tur cos sigui draai, ta locual Robert Candelaria ta remarca como ex Polis e mes.

Si cualkier cos pasa n'e momento aki, e ta sigur cu tur Polis lo ta riba caya, nan tin nan arma, na conoce nan autoridad y nan lo actua corectamente, ta locual Parlamentario Candelaria ta afirma.

CUANTO TEMPO MAS?

Cuanto tempo mas Polis tin cu improvisa, tin cu sigui pega cos aki y laga cos sigui draai, mientras cu e Minister cu tin cu percura pa claridad y material ta bisa cu mihor bin cu helicopter awor aki, confirmando asina cu e no ta compronde nada di e trabou ni su prioridadnan cu e ta encarga cun'e. Mientras e Polisnan tin cu keda basha awa den biña, inventando maneranan nobo pa keda opera. Polis tin cu bisa ta Basta!

Hi Winds 2019 birando mas grandi cu sosten di Aruba Bank



Aruba Bank a aporta na crecimiento di Aruba Hi-Winds, MTB Challenge y Striders.

E banco cu tin Aruba su number, ta un patrocinado orguyoso di Aruba Hi Winds 2019 cu ta sigui crece cada año.

A tuma lugar diferente competencia pa tanto hende grandi como mucha, unda cu tabatin competencia den windsurfing, kite surfing, kids wind y kite surfing.

Tambe hopi a participa den e MTB Challenge, y hopi mucha a competi den e striders competition.

Aruba Hi Winds ta un evento cu ta sigui crece y p'esaki nos ta comparti e alegria. Deporte ta importante pa nos y p'esey como e banco di Aruba nos ta sigui sostene deporte unda cu nos por.



EXECUTORIALE OPENBARE VERKOOP

Op **dinsdag** (per abuis als donderdag vermeld in vorige publicatie) **6 augustus 2019** des namiddags om 14.00 uur, zal op kantoor van Notaris mr M.J.C. Tromp gelegen te Santa Cruz 35, Santa Cruz, Aruba, ten overstaan van notaris mr M.J.C. Tromp of haar plaatsvervanger, de executoriale verkoop, als bedoeld in artikel 3:268 van het Burgerlijk Wetboek van Aruba bij opbod en daarop volgende afmijning worden gehouden van:

1. een perceel eigendomsgrond, gelegen te Paradera in Aruba, in het verkavelingsplan "Villa Park Paradera", groot ± 474 m² of zoveel groter of kleiner als na kadastrale opmeting zal blijken zoals op het terrein is of zal worden afgebakend, zoals gearceerd aangeduid met Kavel nummer 51 op een situatietekening opgemaakt door LEB-GROUP, en nader omschreven in Delimitatiebrief nummer 1 van drie januari negentienhonderd zes en negentig, welk perceel:

- voor 120 m² (**D 9339**) afkomstig is van het perceel kadastraal bekend als Land Aruba Eerste Afdeling Sectie P nummer 20;
- en voor 354 m² (**D 9340**) afkomstig is van het perceel thans kadastraal bekend als Land Aruba Eerste Afdeling Sectie L nummer 4965, met het daarop gebouwde, plaatselijk bekend als "**Paradera 38-Q**";

Inzetsprijs: Afl. 299.000,==



De veilcondities zullen 8 dagen voor de verkoopdatum ter inzage liggen ten kantore van voornoemde notaris.

De executant behoudt zich het recht voor, de veiling uit te stellen en op te houden zonder de verplichting de reden(en) daartoe te noemen.

Tot en met 22 juli 2019 kan onderhands op het te executeren registergoed worden geboden bij een aan voornoemde notaris mr M.J.C. Tromp gericht geschrift.

Bieders dienen terstond een bankgarantie of een gelijkwaardige document dat aanvaardbaar is voor de bank te overleggen en in het bezit te zijn van een geldig identiteitsbewijs.

Notariskantoor mr M.J.C. Tromp
Santa Cruz 35
Tel: 5853500/5857900
Fax: 5854222
Email: veiling@notaristromp.com/auktion@notaristromp.com

Aruba Warriors cu su

Di 3 protesta contra hotel na Sero Colorado



Aruban Warriors ta organisa su di tres protesta pacifico contra hotel na Sero Colorado.

Nan argumentonan contra e hotel aki ta lo siguiente:

1. Aruba ta superpobla, vol is vol. Mester stop di rosa y cuida nos tiki flora y fauna cu a resta.
2. No tin transparencia relaciona cu e proyecto.
3. Traspaso a wordo gebulldozed.
4. No a consulta cu NGO independiente di Gobierno, manera Aruba Birdlife, Accion Ambiental, Rainbow, Aruba Warriors.
5. No ta respeta patrimonio historico, arkeologico, ecologico y cultural di Aruba. N'e sitio tin cuebanan di awa y tunel di fosfaat. Tambe ta lugar di nos antepasadonan Indjan.
6. No tin un MER. Un Mer ta un informe di e efectonan y e impacto cu e hotel lo tin riba nos medio ambiente.
7. No tin un feasibility study. Esaki ta un estudio den cual ta determina si e proyecto ta tecnicamente y financieramente factible.
8. Gobierno no a percura pa maneho di desperdicio solido y dump ta un desaster cu no por carga nada mas.
9. No mester importa mas pobresa; mester percura p'esnan cu tey aki caba.
10. AZV, SVb, skolnan y nos hospital NO por atende mas hende, aworaki caba tur ta den problema.

P'e motibonan aki y hopi mas cu nos lo amplia na un otro ocasion Aruban Warriors ta organisa un protesta diadomingo 14 di juli awor pa 5or di atardi n'e casita patras di Baby Beach.



**TIMESHARE
FOR SALE BY OWNER**



**UNIT # 304 - WEEK 32
1 BEDROOM DELUXE SUITE
SLEEPS 5 PEOPLE**

- 2 X QUEEN BEDS
(1 IN BEDROOM & 1 PULLOUT BED IN LIVING ROOM)
- KITCHENETTE
- 3RD FLOOR
(BALCONY VIEW OVERLOOKING THE RESORT)

PRICE: \$5,500

**INTERESTED PLEASE CALL 583-1400
DURING OFFICE HOURS**

Serlimar tabatin su gran apertura di Aruba su Upcycle Center

UPCYCLE Center Serlimar (UCS) ta un proyecto cu ta promove e aspectonan di reduci, reusa y recicla enfocando tambe riba e aspecto di consumo responsabel. Pues teniendo na cuenta e desperdicio cu como ser humano nos ta produci, dunando personanan alternativa pa deposita articulonan cu ya nan no ta uza n'e 'Upcycle Center' p'e productonan aki por ricibi un otro 'bida' prome cu deshaci di nan.

Henter e proceso aki lo tuma lugar den un ambiente limpi, cu cooperacion di organisacionnan cu ta promove y contribui na desaroyo sostenibel. Introduccion di e Upcycle Center ta un gran paso den e maneho nobo di desperdicio na Aruba. Gabinete Wever – Croes tin como meta pa mehora e forma con ta atende cu desperdicio na Aruba den uno unda cu ta tene medio ambiente y salud di e ser humano na cuenta.

CONCEPTO

E centro lo tin un esfera di entretenimento educativo, unda cu por mira y ricibi informacion di con e proceso ta tuma lugar. Lo tin baki pa reciclahe y tambe regla y regulacion pa mantene e calidad y cantidad cu lo acepta n'e centro. Algun ehempel di e diferente articulonan cu lo acepta n'e centro ta: Paña, sapato, cos di hunga, aluminium, corant, plastic y muebles cu por wordo reusa.

E organisacionnan/stakeholders lo t'esnan cu mas tanto lo percura p'e articulonan obteni wordo 'upcycled' dunando nan un otro 'bida'.

Adicionalmente, pueblo lo por siña con nan mes por reusa y/of recicla materialnan cu guia di e fundacionnan cu lo ta trahando cu ne. Mester menciona tambe cu ta trahando riba programa di informacion pa scol, companianan y e individuo, sra. van der Biezen a elabora.

PRIORIDAD

E aspecto di limpieza ta un di e prioridadnan primordial di henter e proyecto, e centro mester keda uno limpi. Cual ta nifica cu e materialnan cu ta bay haya (cu comunidad lo trece) mester ta limpi, pa cumpli cu regla y regulacionnan stipula. Lo tin personanan encarga cu limpieza n'e centro tambe pa contribui cu esaki.

META

Minister di Desaroyo Teritorial, Infraestructura y Medio Ambiente, Otmar Oduber: 'Locual cu kier logra cu e Upcycle Center aki ta pa tur ciudadano realisa cu nos tin un responsabilidad global p'e forma con nos ta atende cu desperdicio. Gobierno a scoge pa bay den direccion di 'waste to energy' atraves di un incinerador sinembargo e intencion tras di e Upcycle Center ta pa conscientisa e generacion nobo (nos hobennan) tocante nos produccion di sushi e forma con ta atende cu desperdicio.

Unabes comunidad cera conoci cu e proyecto y e intencion cu tin cu grupo, fundacion y hobennan, hunto ta logra e meta cu a pone dilanti pa logra cu comunidad ta bira mas consciente riba e tema aki.'



46 Studiante di UA ta obtene certificacion di Academic Foundation Year



DIA 8 di juli, 46 studiante di Universidad di Aruba a ricibi nan certificado despues di a completa e Academic Foundation Year exitosamente.

Cu esaki nan a completa nan prome aña den educacion avansa, un aña den cual nan a desaroya nan mes academicamente, riba tereno di idioma, escogencia di nan estudio y tereno personal.

E aña aki 65 studiante a cuminsa cu e programa, di cual 54 a keda den e programa te na final.

Durante e ceremonia, bou guia di program-administrator Kevin Richardson, studiantenan Stephany Lewis y Amanda Croes a comparti cu tur esnan presente con e programa a influencia nan desaroyo personal.

Nan a enfatisa e desaroyo cu nan a experiencia como studiantenan di e programa, no solamente riba tereno di conocimiento y habilidad, pero tambe un desaroyo di nan confiansa y determinacion pa cu e escogencianan

cu nan ta haciendo.

Na comienso di e programa hopi studiante ainda ta orienta nan mes riba diferente posibilidad pa estudio prome cu nan tuma un decision definitivo.

Nan ta haya e oportunidad pa tuma diferente vaknan di otro facultadnan na Universidad di Aruba y tambe nan ta wordo stimula pa haci un periodo di stage y tuma cursonan online pa orienta nan mes riba nan futuro.

Di e studiantenan cu a completa e Academic Foundation Year cu exito, mitar di nan ta keda na Universidad di Aruba pa sigui nan estudio, e otro mitar ta opta pa sigui studia na Europa, cu e excepcion di esnan cu ta sigui studia na Merca y un par di studiante cu ya a obtene un calificacion profesional y lo subi e mercado laboral.

Universidad di Aruba ta orguyoso di e resultadonan di e studiantenan y ta anticipa e comienso di e di 4 cohort di e Academic Foundation Year na augustus 2019.

Registra awo!

Manda bo e-mail na noticia@awemainta.com

Ricibi AWEMainta tur dia den bo inbox



www.awemainta.com



www.facebook.com/awemainta



583-1400



583-1444

Solucion di Maneho di Desperdicio di Aruba garantisa por medio di ley



Minister di Desaroyo Teritorial Infraestructura y Medio Ambiente, Otmar Oduber a informa comunidad di culminacion di e proceso di Request For Proposal (RFP) pa locual ta solucion pa maneho di desperdicio di pais Aruba.

Diabierna awor 19 di juli tur compania participante lo mester entrega nan oferta pa locual t'e proceso di RFP relaciona cu establecimiento di un Waste to Energy Facility na Aruba.

Esencial pa indica den esaki ta cu Gobierno ta garantisa viabilidad di e Waste Energy Facility por medio di legislacion.

E proceso di maneho desperdicio na Aruba conoce un trayectoria largo unda den transcurso di añanan a crea un 'Milieuverordening' y awor ta implementa e 'Afvalstoffenverordening'.

E leyman aki ta percursa p'e forma cu ta trata cu desperdicio ta tuma lugar den manera responsabel teniendo bienestar general como punto di salida.

Relaciona cu esaki por indica cu pais Aruba como parti di Reino Hulandes tin e obligacion di mantene su mes na tratadonan internacional manera esun di Basel cu ta cardinal pa un maneho responsabel di desperdicio. E tratado di Basel ta regla e.o exportacion y importacion di desperdicio.

Mediante e proceso legislativo aki, Gobierno di Aruba ta garantisa tur participante un proceso integro, transparente y duradero pa locual ta un 'Waste to Energy Facility' pa nos pais, segun Minister Otmar Oduber.

Warda di Polis na Playa ta sera te proximo aviso

FOR di ayera, Warda di Polis Playa ta sera. Esaki ta enconexion cu un situacion cu no ta mucho saludabel pa cu nan coleganan.

Publico lo por haya e seccion di Straatdienst, Seccion di Permiso y Polis di Barrio n'e Warda di Polis na Shaba y for di eynan tambe lo opera te cu proximo aviso.

Cuerpo Policial ta pidi su disculpa p'e inconveniencia.



FCCA a organisa un siman di campamento pa hobennan di diferente bario




FCCA hunto cu Fundacion Real Your Goal a organisa un siman di campamento cu a consisti di diferente actividad p'e hobennan di e Barionan di Village, Cura Cabai Zuid, Bushiri y Sero Patrishi. Ta trata di 40 hoben entre 14 pa 17 aña di edad.

Durante e siman di 8 pa 11 juli, 2019 a trece e hobennan aki di e diferente barionan hunto pa haci actividadnan sano y crea amistad y bon relacion cu otro. Meta principal ta pa motiva e hobennan pa ta bon ehempel y lider nan den nos comunidad.

FCCA kier a gradici su trahadornan social, Fundashon Reach Your Goal y Cuerpo di Polis cu a haci e actividadnan aki un exito. FCCA lo sigi aporta na comunidad y lo bin cu mas actividad pa nos hobennan.

Mañan lo tuma lugar

Miss Teen Aruba Internacional 2019




DIADOMINGO 14 di juli lo tuma lugar den Cas di Cultura eleccion di Miss Teen Aruba Internacional. E aña aki GLW Foundation por mira atras riba un temporada interesante atrobe p'e eleccion, apesar cu ta solamente 3 candidata mester menciona cu nan a ricibi un sin fin di seminario y otro eventonan social cultural pa prepara nan na nivel internacional.

Mañan anochi Leedha Harms, Chantal Conradus y Ileyna de Cuba lo competi p'e corona Miss Teen Aruba Internacional, tambe lo corona Miss Teen Nuestra Belleza Internacional y Miss Teen Princess Universe.

P'esnan cu ta interesa den kaarchi pa apoya nos candidatanan y lo por haya esaki na Cas di Cultura awe diasabra di 12 pa 6 y tambe na porta lo tin entrada disponibel.



Show ta cuminsa pa 8or di anochi y lo tin presentacion di Popcorn Dancers y tambe hobennan talentoso di Gang di Arte. GLW Foundation kier a yama danki na tur seminarista, organisacion y tur persona cu a yuda nos den e temporada aki cu nos hobennan. Exito na tur nos candidatanan.



Sra. Osyth Henriquez di "Ocean Villas"

Presentando propio diseño di "up cycled bags" na su bishitantenan



RECIENTEMENTE "Ocean Villas" a haci varios di su clientenan contento. Sra. Osyth Henriquez ta conoci pa su arte den pintamento y su pasion pa loke ta naturalesa y constantemente e ta pensa maneranan inovativo pa re-usa material y re-inventa decoracion di su resort.

Bishitantenan di varios parti di mundo ta reserva nan kamber na unda nan por haya tur trankilidad cu nan ta anhela pe.

Nan ta keda masha impresiona cu e kambenan y e decoracion di esakinan y cada biaha tin cambionan hopi bunita.

Osyth Henriquez ta conoci pa su pinturanan tanto den cuadranan como sjaalnan bunita, chandeliers y ta crea semper un ambiente unico cu su decoracionnan original y recyla. E ta stima naturalesa y pesey e ta encanta lama y e trankilidad cu e ta trece cu ne. E tin hopi plan pa futuro cu ta bon pa nos medio ambiente.

Sra. Osyth Henriquez ta conta cu na momento cu el a pone cortina den e kambenan a resta material di e cortinanan y el a haya inspiracion pa diseña tasnan cu no ta recyla sino upcycled. Dus cu e restante di e paña di cortina a traha tasnan hopi bunita cu el a presenta algun di su turistanan.

Riba e potretnan por mira turistanan procedente di Merca como Alemania, Sandra y Claudia cu a bin di Alemania y nan a goza di nan estadia, nan catering personal y nan vakantie na Aruba den naturalesa.

Tambe Tasha di Connecticut, Merca a ricibi su tas unico aki tambe for di Sra Osyth Henriquez.

Polis a detene un homber kende ta wordo sospecha di ta download pornografia infantil

DOWNLOAD, mira y share pornografia infantil ta algo hopi serio y castigabel pa ley tambe na Aruba. Diahuebs den oranan di mainta e homber Melvin L. a wordo treci Warda di Playa, unda e mester a presenta cerca Recherchenan di JZP, esaki ta relaciona cu Pornografia Infantil.

Algun siman atras varios persona a wordo deteni como sospechoso di tabata download Pornografia Infantil. Na final mayoria di e sospechosonan aki a wordo laga libertad, despues di varios interrogacion.

Algun di e sospechosonan aki aparentemente no a download (baha) cantidad grandi di e videonan aki, y esaki a causa cu probablemente no por a tene e sospechosonan aki mas dia deteni.

Casonan manera download, mira y share pornografia Infantil ta wordo tuma mundialmente hopi na serio. Segun nos a compronde e detencion di e homber aki a wordo haci dor di RST, despues cu aparentemente lo a haya un tip for di nan coleganan di Corsou. Coleganan di Corsou lo a haye di nan otro coleganan den exterior, cu ta monitoria tur e tipo di actividadnan manera esaki mundialmente.

Durante cu nan ta monitoria tur e actividadnan aki, nan ta controla e IP adresnan y ta Red Flag e IP Adresnan cu ta hopi activo riba e tipo di websitenan aki di porno cu menor.

E sospechoso Melvin L. ta un IT expert y muy probablemente su IP lo tabata wordo vigila, pa posiblemente e cantidad halto di bishita na websitenan cu ta contene Porno Infantil.

Autoridadnan riba nivel internacional, ta vigila e sitenan aki constantemente, pa di e manera ey trata



na combati Pornografia Infantil y abusan sexual di muchanan chikito mundialmente.

Den paisnan grandi, muchanan ta wordo horta y bendi, dor di vigila e sitenan aki, sa pasa cu e muchanan perdi a cay den man di personanan baho cu ta tene nan mes ocupa cu pornografia infantil y asina sa pasa cu autoridad ta localisa e muchanan perdi.

Investigacion lo determina con hopi e homber aki Melvin L. ta bishita e sitenan y kico lo bira e siguiente paso. Melvin L. ta keda un sospechoso, ta deteni y durante interrogacion lo sali na cla si e ta culpabel of no.

Semper ta bon pa bo Wi Fi, ta protega cu un password, pasobra si e ta habri cualke persona por para banda di bo cas y usa bo internet bo IP adres pa download pornografia infantil, cu por pone bo den problema serio cu autoridad.

Nissan Skyline a core pa Polis cu luznan paga

Na final un hoben a wordo deteni

DIAHUEBS anochi algo pasa di 9'or a start un persecusion.,Esaki tabata den areanan di Santa Marta y Plantenrust. Polis tabata tras di un auto cu a nega di para.

Tabata trata di un Nissan Skyline color blanco. E chauffeur a cuminsa core pa Polis, bayendo den Santa Marta y despues drenta den Plantenrust.

Dado momento e chauffeur pa evita di wordo gara dor di Polis a paga luznan di e auto.

Helicopter e wowo den halto. Loke e no a conta cune tabata cu e Helicopter di Polis pa su mala suerte y pa suerte di e patruyanan tabata bulando.

For di e Helicopter nan tabata guia e patruyanan policial. Dado momento tabatin poco confusion, pero esaki a wordo coregi mesora. Esaki tabatin di haber cu e localisacion di e Skyline.

Despues di tabata core pa Polis den e areanan anteriormente menciona, e auto a sali bay direccion Papilon y pa final bay sconde bou un dak (garage) di un cas na Yucuri.

E chauffeur a baha y core bay sconde.

Mientras esnan den e Helicopter tabata sigui tur su trayectoria.

Den prome instante Polisnan no a haye, pero un rato despues cu ayudo di e demas patruyanan cu a yuda den e persecusion a bin haya e hoben. El a wordo deteni mesora y transporta pa warda.

Pakico e hoben no a sigui ordo di Polis ora el a haye ordo pa para, no ta conoci. Tambe e tabata asina ocupa coriendo pa Polis cu e no tabata pone atencion riba e zonido duro di Helicopter cu tabata sigui'e.

Pa loke t'e Nissan Skyline, el a wordo confisca y hiba cu takelwagen pa Warda di Polis na Balashi.



UHAT (You Have A TGalent) ta anuncia:

Tayernan pa hoben y mucha den Vakantie Grandi



DIARANSON 31 di juli te dialuna 5 di augustus na Certified Megamall, UHAT ta organisa tayernan pa hoben y mucha den Lokaal 19. E orario ta di 2.30 pm – 5.30 pm cu excepcion di diasabra dia 3 di aug. e ora ey e tayernan lo ta di 10 am. – 1pm.

Bo ta: Talentoso; por move riba mas cu un tereno di arte. Creativo; por traha rond di un tema y crea sub temanan. Productivo por produci algo y crea fuentesnan di info. Pa otronan, desaroya nan capacidad creativo? E ora ey abo ta candidato pa inscribi p'e tayernan aki, cu nos a caba di mencionar.

Nos tin 3 tema cu nos lo trata y traha cu nan esta: **Decorative Painting, Macramé y Decoracion di boter..**

Despues di entrega di tur e obranan di arte visual **dia 5 di augustus** di e tayernan, nos ta warda tur e obranan cu a worde traha na cas riba e mesun fecha di 5 di augustus. E expo mes nos lo sigi **riba diasabra 10 di augustus di 10 am pa 6 pm.**

Lo tin tentnan disponibel p'e obranan di man y otro item-nan manera cupcakes, dulce, cukinan cu nan decoracion por worde expone. Tambe otro cosnan culinario manera: Stropinan, jam, salsa di pica y otro **productionan traha na Aruba mes** lo worde exhibi.

Materialnan cu mag usa pa traha bo arte visual: Pintura; Palo.lego, klei, karton; Fotografia, multimedia, media nobo. Material recicla manera: boter,

bleki, caha, pañanan.

Material cu bo ta haña den naturalesa; drijfhout, piedranan, coco, calbas y hopi material cu bo ta haña facilmente den nos naturalesa..

Alabes nos ta cuminsa pone e plataforma p'e presentacion riba tarima den Cas di Cultura locual ta encera: Obranan teatral, baile, musica, canto, poesia cual produccion por wordo evalua y ahusta prome cu e ensayonan general cu ta cay riba dia 15 y 16 di october di 6.30 pm – 9.30 pm den auditorium grandi di Cas di Cultura. Participantenan por traha di tal forma cu nan por adapta un obra existente of produci algo nobo cu yudansa y guia di e profesionalnan di nan choice (escogencia). Nos ta desea tur participante hopi exito cu tur e preparacionnan cu ta hiba nan n'e resultado desea.

Corda cu e talento cu Dios a dunabo no ta pa bo so, **pero tambe pa comparti y bendiciona otro..** Ta berdad cu bo por yuda amplia y promove e creatividad den e comunidad Arubano; mientras cu bo ta sigi tras di bo propio habilidad (nan) creativo y artistico bo ta yuda e otro persona amplia su conocimiento den su disciplina di arte tambe.

E aña aki ta traha hunto cu: Sound the Alarm Team (sra..Althia do Nascimento-Wilson); Baby Zoë Foundation (sra. Angela Croes); B2L Movement (sra. Roslyn Berlis-Petrochi) UNOCA.

META DI E PROYECTO

You have a talent tin como meta pa duna un chens n'esnan cu ta den nos comunidad, cu talentonan bon scondi pa expone e talento ey. Kizas nunca nan a haya e oportunidad of apenas

nan a wordo curasha pa haci algo cu e talento ey.

Tur hende ta unico den e mundo aki. Esaki ta encera cu abo ta diferente di e otro persona, Bo habilidad y potencial no ta mescos cu esun di e otro persona.

E ta un desafio ora bo tripi di sali y para dilanti hende y bisa kico bo por, bo kier, y kico bo ta bay haci tambe. Bo imagen propio ta worde reforza y stableci tur ora cu nan muestra aprecio of elogia bo trabao (obra).

Si banda di esaki e artista den desaroyo por sigi planea riba un base realistico y a pone cierto meta su dilanti cu e kier alcanza nos di uhat-event a alcanza nos meta cu e persona ey. Nan lo desaroya mas confiansa den nan mes y esaki ta resulta den un identidad positivo y exitoso. Nos a inicia e proyecto na 2014 y nos por bisa cu di 2016 - 2018 nos por a mira y descubri un cantidad di talento natural.

Naturalmente tin un grupo cu mester di mas orientacion pa cu nan disciplina di arte. Nos ta entusiasma pa sigi pusha grandi y chikito den e direccion corecto y nos ta sigur cu otronan den nos comunidad lo lanta y duna nan aporte n'e grupo creciendo di nos artistanan futuro, pa nan logra nan meta final y nan exito na un manera mas rapido.

Pa awor inscripcion por tuma lugar dor di manda nos un mail uhatinfo@gmail.com, yama of app nos na Nr. 742-6334 of 563-973

Tur info ta den: Facebook UhatGerryVlo: www.uhatinfo.com.

Sigi nos riba website: www.uhatinfo.com of riba facebook caminda nos por duna mas info ainda tocante e programa di UHAT Event 2019.

'Biba Bida' na caminda pa Noord

Cruz Cora Aruba su programa pa nos grandinan



OTRO siman, diamars 16 di juli, 2019, Cruz Cora su programa "Biba Bida" lo ta bishita Centro di Bario Noord. E programa aki ta pa tur adulto di 65 aña of mas cu kier topa cu otronan pa socializa, cu ta busca reaccion y na mes momento siña algo importante cu den e caso aki lo ta "Prome Auxilio y Prepara pa Horcan". E mainta lo cuminsa tambe cu un sesión di Yoga riba stoel.

E actividad ta di 10'or di mainta pa 1'or di atardi y por registra na tel. 582-2219. E programa Biba Bida ta completamente gratis y tin varios actividad tras di lomba p.e.: Centro di Bario Lago Heights unda Santa Rosa a duna workshop, Eleccion di Reina Biba Bida durante temporada di Carnaval y ultimo na mei, otro workshop di Santa Rosa y sesión di Qi Gong.

Cruz Cora Aruba ta invita tur nos grandinan cu tin interes pa join, pa yama pronto di registra na tel. 582-2219.



AWE Mainta
e corant di Toko

Tel: 583-1400 Fax: 583-1444

Aruba Tourism Authority a honra bishitante leal y amigabel na Renaissance Ocean Suites

RECIENTEMENTE Aruba Tourism Authority tabatin e gran placer di honra bishitante leal y amigabel, como bishitante di **Embahadora di Bon Boluntad** biniendo Aruba.

E titulo honorario simbolico aki a wordo presenta den nomber di Minister di Turismo, como muestra di aprecio na huespednan cu tin 10, 20, 35 aña bishitando nos isla consecutivamente.

E honrador presente: Sra. Diane Cassano, residencia for di New York.

Huespednan ta miembro leal y ta encanta nos isla su bunitesa, e cordialidad di nos hendenan, nos clima y nos playanan,

E seguridad inmenso, seleccionan di restaurantnan shopping for di exclusivo pa elegancia y hopi otro actividad cu nos isla tin pa ofrece.

E certificado aki a wordo presenta dor di **sra. Darline S. de Cuba** representando Aruba Tourism Authority hunto cu **sra. Nathalie Arends**.





**SINTONISA TUR MERDIA,
RADIO GALACTICA 99.9
PA SCUCHA NOTICIA PRESENTA PA**

VICTOR (TOKO) WINKLAAR,
ALEXA WERLEMAN Y SIMON ARENDS.




Aruba anfitrión pa 'International Bikini Day' y treceiendo dilanti un bunita proposito

Cu diseñadornan renombra di Latino America y diseñador local



“**ACASO** cu Bo no tabata sa ainda: dia 5 di juli ta Dia Internacional di Bikini. E fecha aki ta marca historicamente unda na aña 1946 e prome bikini a wordo estrena dor di Micheline Bernardine, inspira dor di e diseñador Frances Louis Reard.

E moda di bisti bikini a pasa su revolucion y awendia e ta masha popular. Bikini tin un variacion grandi y colorido pa bisti, e.o. ora di bay beach.

Pa conmemora e fecha aki, Aruba Tourism Authority a pone enfoke riba e mercado di Latino America y a uni su mes cu diferente diseñador Latino como tambe di Aruba pa genera un oportunidad di co-branding cu e marcanan renombra dentro di Latino America di bikini. Pa mostra e resultado final di e bikininan na prensa local, ekipo di A.T.A. Aruba, e ekipo di A.T.A. Latino America y invitadonan a presencia un desfile unda cu modelonan Arubiano a haya e oportunidad pa estrena e bikininan pa prome biaha.

Entre e diseñadornan ta nos propio y talentoso Gigiola Gomez kende su diseñonan floral y colorido. Na aña 2010 Gigiola a lansa su propio marca di paña y el a participa mundialmente den diferente evento di moda. Gigiola a presenta su coleccion nobo di bikini yama ‘Bi-ento’. Acompañando Gigiola tabata e diseñador hoben Daniella Carrion representando su marca ‘Vitamin Sea’.

For di Argentina tabatin e marca Cipitria cu su diseñador Maylen Irigoitia y di Brasil nos por a mira e marca Aqua de Sal cu su diseñadora Fabiola de Oliveira Machado. Sebastián del Real tabata e diseñador di Chile y pa Colombia e diseñador Adriana Dangond a presenta su inspiracion cu e marca MolaMola. Por ultimo nos por a admira Peru cu su marca Capittana y su diseñador María Daniela Núñez Doderó. Tur e diseñadornan a uza Aruba como nan fuente di inspiracion pa nan coleccion nobo di bikini y a uza e fecha specifico aki pa lansa diferente coleccion nobo.

Elementonan di inspiracion e.o. tabata loka mas ta destaca di nos isla manera nos matanan di coco y palma, e colornan bunita en general di nos isla (pensa riba cas y edificionan, flornan etc), e flamingonan, e solo y e bahada bunita di solo, nos playanan, nos Faro Blanco y naturalmente e famoso mata di Fofoti.

PAKICO A SCOGE ARUBA PA TA ANFITRION?

Obhetivo principal di e actividad aki ta pa mostra e posicion di nos isla riba Dia Internacional di Bikini como un ‘One Fashion Island’ unda diferente diseñador di Latino America ta wordo inspira dor di nos destinacion p’e desaroyo di nan creacionnan. Antesala di e actividad aki tabatin diferente photoshoot rond di nos isla cu modelonan internacional di Argentina, Brasil, Chile, Colombia, Peru y naturalmente di Aruba mes.



Tabatin diferente embahador, celebridad como tambe e asina yama ‘influencers’ cu a bishita nos isla specialmente p’esaki, cual a haya un acogida grandi riba e rednan social. Entre nan tabatin e actriz Argentineru [Emily Lucius](#), cu 411K followers. Di Brasil tabatin presencia di e modelo [Priscila Uchoa](#) cu 50.9K followers. Chile a wordo presenta dor di e presentadora y socialite [Valeria Ortega](#) cu 145K followers. Di Colombia tabata presente e actriz y presentadora María José Martínez cu 190K followers. Por ultimo di Peru tabatin presencia di [Daniela Núñez \(The Velvet Secret\)](#) cu 116K followers.

PROPOSITO BUNITA

Loke a haci e campaña aki sumamento bunita y cu proposito t’e hecho cu a enfoca riba e asina yama bikini “twist”. E obhetivo tras di esaki ta pa durante luna di october, pa conmemora e asina yama ‘Pink Month’ unda ta promove e lucha contra cancer di pecho. Tur diseñador y embahadornan ya menciona lo participa den e strategia ‘Twist’.

“Twist” ta un movimiento unda ta conscientisa e comunidad pa loke ta cancer di pecho, alabes e strategia di bikini Twist ta un forma di demostra cu nos comunidad ta apoya tur ser femenino cu a lucha e bataya di cancer di pecho y ta duna bikini un otro perspectiva unda cu e



ser femenino no mester tene berguensa, pero sinti confortabel di su curpa.

Diferente diseñador ta trahando cu diferente instancia cu na un of otro manera ta enfoca riba cancer di pecho y na momento di lansa e “Bikini Twist” den luna di october e diferente diseñonan lo ta na benta y un porcentaje di e benta di e potretnan lo wordo entrega como un donacion. Asina ta busca manera pa crea conscientizacion y alabes Aruba ta ricibi e atencion como un isla diversifica den e mercado di Latino America.



Cumpliendo 25 años de mas de servicio

Ta motibo pa bisa pakico Costa Linda t'asina exitoso

COSTA Linda Beach Resort ta orguyoso di ta un lugar excelente di traha y cu empleadonan maraviyoso cu ta yuda pa nos miembronan y invitadonan ta sinti nan mes na cas durante nan estadia.

Atraves di e añanan e talento y esfuerso di nos empleadonan a converti Costa Linda Beach Resort den e resort exitoso cu e ta awe.

E miembronan ta bin bek cada año cu e mesun caranan contento di nos valioso empleadonan y e ta cu un gran honor cu Costa Linda ta reconoce nos 9 empleado nan cu ainda ta na pia di trabou pa 25, 26 y 27 años. Esaki ta un ehempel di e calidad y esfuerso cu Costa Linda su trahadornan ta brinda. Den un industria cu ta constantemente den cambio y evolucion, e unico consistencia ta nos empleadonan cu a pasa durante e temponan aki.

Beatriz Angela, Felicitas Layos Tobias y Aivena Cornelis a celebra nan 27 aniversario. Tambe nos ta reconoce Fernando Ceron Fernández y María Thiel pa nan 26 aniversario. Por ultimo, pero no menos importante, Alejandrina Cathlin Suárez, Esperanza Desbarida, Swienda Hengeveld y Fritz Emmanuel, cu t'e 4 miembronan cu a dedica 25 años na Costa Linda.

Den Costa Linda su 28 años, operando como un resort, nos ta conta cu 20 di su empleadonan ta trahando 25 años of mas

Nos Board di Director y nos administracion ta gradici cada un di su empleadonan pa nan dedicacion, lealtad y valioso contribucion.

Empleado nan manera bo(so) ta un base di un empresa exitoso. Masha Pabien cu bo(so) aniversario.



Departamento di Cultura Aruba ta haci peticion y ta informa tocante:

Plataforma Folklore den Sector Turistico



DEPARTAMENTO di Cultura Aruba (DCA) bou auspicio di Ministerio di Cultura a tene un reunion cu lidernan di grupo Tipico dia 4 di juli 2019 na DCA. Lidernan di investigacion di e Proyecto aki, Chencho Kelly y Johnny Scharbaay a informa na tur e lidernan di grupo presente tocante e ultimo desaroyo di e **Plataforma Folklore den Sector Turistico**.

Tambe a haci peticion na cada lider di grupo si por entrega, lo siguiente:

Un of mas potret di e grupo; Un video of grabacion; Un A-4 of mitar A-4 cu un tiki di historia di e Grupo, p.e.

Informacion di: Ki tempo e grupo a ser funda? Di cuanto musicante (integrante) e grupo ta consisti? Menciona algun caminda cu a haci presentacion y di mas importante.

E informacionnan aki a ser pidi n'e **lidernan di grupo di baile**, durante e tayer di sra. Diana

Antonette den luna di juni 2019 na Plaza Libertador G.F. Betico Croes. N'esnan tanto grupo Tipico y Baile cu ainda no a entrega informacionnan aki, por ser asina bon pa haci esaki ainda prome cu dia 15 di ju

li 2019 na DCA mes of via e mail: pedrokelly@cultura.aw of johnnyscharbaay@cultura.aw

Contenido y meta di e Proyecto Plataforma ta lo siguiente: **Contenido di e proyecto**

Mirando e cantidad di hotelnan aki na Aruba, mester crea e posibilidad cu na momento nos bishitantenan yega un hotel, nan por disfruta di nos musica folklore. Asina experiencia di biaha cu enberdad nan a yega e Perla den Mar Caribe cu yama Aruba.

Esaki ta conta tambe p'e prome lugar di encuentro na yegada sea na Aeropuerto, Terminal di Crucero y hotelnan caminda e turista mester por experiencia un caluroso bonbini.

DCA ta di opinion cu un anochi cultural mester forma parti di e product cu un hotel ta ofrecena subishitante. P'asina nan por haya un toke adicional na loke Aruba ta conoci p'e, esta su solo, santo blanco y su lama.

Pa por crea e desaroyo tan desea aki pa nos agrupacionnan di Musica Folklore, Grupo di Baile y Caha di Orgel. DCA a inventarisa, investiga y presenta un plan concreto con pa realisa esaki integralmente cu diferente stake holders y companianan cu ta organisa evento cultural.

AHATA su Consejo di Mucha a mira valor den trabou di turismo



CONSEHO di mucha 2019 di Aruba Hotel and Tourism Association (AHATA) a culmina exitosamente cu un ultimo reunion na Scol Primario Kudawecha Klas 6B. AHATA a presenta na e Consejo di Mucha con e asociacion lo tuma accion riba e recomendacionnan ricibi.

E dilemma cu e alumnonan a traha riba dje tabata: Con pa motiva personanan local hoben pa traha den sector turistico y sostene e pilar di nos economia. E muchanan a pasa den un proceso di conoce diferente stakeholders di turismo y nan empleado, pa despues duna nan recomendacion pa soluciona e dilema.

CEO di AHATA, Tisa LaSorte, a puntra e muchanan kiko nan a siña durante e proceso cu nan a pasa aden. E hobennan a expresa cu nan no tabata sa e importancia y e impacto di turismo riba nos economia, y cu nan a siña e variedad di trabounan disponibel, e oportunidadnan pa crese den e sector, y cu nan a observa e amor cu empleadonan tin pa e trabou.

Sra. LaSorte tabata hopi impresiona cu e recomendacionnan di e Consejo di Mucha y a sigura e studiantenan cu AHATA lo tuma accion riba tur nan ideanan. ‘A sinti cu alumnonan a haya mas interes den e industria despues di e experiencia aki. Door di amplia nan conocimiento di e sector turistico y informa nan di e importancia pa nos economia, alumnonan ta mira oportunidad y valor den turismo’, LaSorte a bisa.

Accion cu lo tuma basa riba e recomendacion di e hobennan ta entre otro: AHATA lo crea un campaña di consientisacion di diferente carera, publica mas informacion riba e beneficionan di traha den industria, compila informacion riba oportunidad di core stage y dia di bishita, y traha hunto cu partners pa introduci turismo den curiculo di scolnan.

Xiomara Berkel, cabesante di Scol Primario Kudawecha a informa cu e ta contento cu un biaha mas AHATA a scoge nan pa participa den e proyecto aki y ta spera di por sigui como nan Consejo di Mucha. ‘Hopi biaha muchanan ta bin cu ideanan cu hendenan grandi no a pensa riba dje. Nan ta mira e mundo for di un otro bista. Cu ayudo di par di mayor, y nan maestro Rene Kannegieter, nan a completa un proyecto hopi bon’.

Mirla Passchier, Manager di proyecto di Consejo di Mucha, como gradicimento a entrega Tisa LaSorte, CEO di AHATA, un cuadro di potret di e muchanan como recuerdo. ‘E momento di mas bunita ta mira cu companianan a bin bek y duna nan feedback tocante ideanan y conseho. P’e muchanan esey ta algo hopi importante pa nan sinti y mira cu a tuma nan na serio. AHATA no solamente a scucha nan, pero lo haci uzo di nan consehonan’.

AHATA ta gradici Scol Primario Kudawecha, alumnonan y miembronan di AHATA cu a forma parti di e bunita proyecto Consejo di Mucha.

Concierto Dominical “Donny Laclé” di dia 30 di juni anima y exitoso

DIADOMINGO dia 30 di juni 2019, Fundacion pa Talento Musical Donny Laclé a organisa su popular Concierto Dominical den e sala grandi di Biblioteca Nacional Aruba den Madurostraat.

E programa tabata, manera por a spera, interesante y varia y a cay sin duda na agrado di tur hende presente.

E biaha aki a cuminsa cu extende gratitud pa e cooperacion na Ivan Quandus (cabayero di sonido), gerencia y e trahadornan di Biblioteca Nacional Aruba, Ray van Gulick cu ta percura pa e cushina, e grupo di boluntarionan cu tur diasabra prome cu concierto ta prepara y decora e sala pa diadomingo. Un danki special na CEDEARuba y Samenwerkende Fondsen Caribisch deel van het Koninkrijk. E artistanan cu ta coopera gratuitamente y e audiencia cu ta acudi fielmente na e concierto tambe a haya un palabra special di gradicimento, pasobra sin nan no tin concierto.

E prome presentacion tabata na encargo di e cantante-guitarista Jersey Sofia. Jersey a presenta entre otro “Mi bida dushi”, e cancion cu cual el a debuta na Voz ‘i Landia, “Pilar” di Bernadina Growell, “Dushi hende” cu ta un propio composition di Jersey, “Flor Palida” di Marc Anthony y “Halado” di Upgrade Music. Publico a gosa y canta hunto cu Jersey.

Despues tabatin un presentacion dinamico di Diana Antonette y su Teatro di Danza Arubano. E bailadonan tabata: Mary Hsing, Nico Luydens, Astrianty Croes, Xyqienne Leonardo, Jada van der Linde, Kelanie Thode, Rochelle Jacob y Danouk Jongsma. Nan a presenta e wals “Abo so” di Padu Lampe, e wals “Arubanita” di Rufo Wever, “Mazurka” di Grupo di Betico, e mazurka “Aire Sentimental” di Padu Lampe, un Baile di Sinta cu caha di orgel, e tambu “Cosecha” di Sodo y Cuero. Diana a duna un splicacion masha interesante di nos bailenan y nan historia.

Durante pausa e publico presente a haci un donacion boluntario cu ta yuda e fundacion yega na suficiente



fondo cu na fin di aña por otorga beca pa estudio musical na algun hoben talentoso. Fundacion ta gradici tur hende di curason.


A clausura e mainta cu Tipico Tradicion Musical cu ta bou di direccion di Joffrey Angela. Tipico Tradicion Musical ta existi pa mas di 30 aña caba. Nan a logra pone e pista di baile yena.

E comision organisador ta gradici tur e artistanan y e audiencia pa nan tremendo presentacion, presencia y contribucion na e concierto di dia 30 di juni 2019.

Asina a clausura e prome mita di 2019. Na juli no tin concierto pa motibo di vacacion. Fundacion Donny Laclé ta desea tur hende un bon vacacion. Nos ta topa atrobe diadomingo dia 25 di augustus e mesun ora y na e mesun luga.

Caminda di Weg Sero Preto cera pa mantencion

DEPARTAMENTO di Obra Publico ta informa pueblo di Aruba en general y specialmente nos automobilistanan cu ta haci uzo di e caminda di Weg Sero Preto #8 te cu #28, cu entrante dialuna 15 di juli 2019 te cu dia 9 di augustus 2019 lo cera e caminda pa 3 siman en conexion cu trabou di mantencion cu departamento di Riolering mester haci. En conexion cu e trabounan menciona Departamento di Obra Publico ta haci un peticion na tur automobilista pa no haci uzo di e caminda menciona y ta pidi pa tene cuenta cu e inconveniencia cu lo por surgi pa cual nos ta pidi nos disculpa.



Colegio EPI lo ta cera riba algun fecha den vakantie grandi 2019

COLEGIO EPI kier informa comunidad di Aruba y specialmente studiantenan cu a inscribi na Colegio EPI, cu den vakantie grandi su unidad y departamentonan lo ta cera riba e siguiente fechanan.

Unidad Hospitalidad y Turismo: 17 di juli te cu 7 di augustus 2019, orario di oficina riba e dianan habri ta 9am pa 12pm y 1.30pm pa 3.30pm;

Unidad Economia: 19 di juli te cu 2 di augustus 2019, orario di oficina riba e dianan habri ta 8am pa 2.30pm;

Unidad Ciencia y Tecnologia: 22 di juli te cu 9 di augustus 2019, orario di oficina riba e dianan habri ta 7.30am pa 3.45pm;

Unidad Salubridad y Servicio: 1 di augustus te cu 7 di augustus 2019, orario di oficina riba e dianan habri ta 9am pa 3pm;



Departamento Financiero: no ta cera. Por trece recibo di pago di collegegeld pa stempel entre 9am y 3pm. Ademas, nos ta informa cu por haci pago di collegegeld via Aruba Bank Online - Bill Payment.

Colegio EPI ta desea tur estudiante, docente y demas personal un dushi vakantie.



Ricibi AweMainta tur dia den bo Inbox

Registra awo!
Manda bo e-mail na
noticia@awemainta.com



GRATIS

Asesino pa di dos biaha

Curasoleño (52) a corta ex-muhe mata riba caya!

KERKRADE, Hulanda. Un Curasoleño di 52 aña di edad kende a caba di keda den libertat desèmbre último despues di a pasa 20 aña di castigu di prison y den condicion di tabata permanentemente bou di control di Hustisia, diahuebs a bolbe mata hende ne siudad di Kerkrade na Hulanda.

Na aña 1994 e Curasoleño kende su identidad polis no ta duna, a corta un muhé di 42 aña na su garganta riba caya dilanti di basta hende.

Tur e añanan cu ela pas aden prison no a poné rehabilita y fo'i dia cu ela Sali for di prison, ela bin ta molestiá y menasá y hasta maltratá su èx amante te cu diahuebs tur su fioesnan a bula y ela mata e muhé publicamente.

Originalmente ela haña un castigu di 7 aña preso na 1994 pero a keda preso te ora e tratamento sikiatrico a pasa na desèmbre último.

Tempo cu ela mata un homber promé biaha e tabatin 28 aña y e asesinato a tuma lugá ora cu e homber y su ruman a bay regla cuenta cu un famia di nan.

Nan a bay regla cuenta pasobra e victima lo a insultá amiga di su ruman.

E victima cu e Curasoleño asesino a mata ta conosi como “Tante Reagan” y e tabata biba den e barío Erensteynerveld.

Despues di a pasa 20 aña tras di trali y tras di muraya di un instituto e tabata haña pèrmit pa sali riba caya bou di sierto condicionnan.

Aña pasá desèmbre e condicionnan a caduká y apesar cu e tabatin prohibicion pa bay den caya caminda èx amiga ta biba, e tabata bay molesti'é maltrat'é y finalmente ora e muhé a mand'é pa ‘mièrcoles’ ela menas'é te cu diahuebs ela asesin'é.

E Curasoleño ta loke nan ta yama TBS'er, o sea, un hende cu ta bou di tratamento sikiatrico y bou di sierto condicionnan por Sali for di e instituto sikiatrico. Solamente cu den e caso aki ta di tres TBS'er cu ta mata hende.

Promé biaha cu ela mata hende e tabatin 28 aña y ta-



bata biba na Rotterdam pero e cu su ruman a bay te Alkmaar pa bay regla cuenta cu un Curasoleño.

Pará den porta di cas dje victima, ela tira e homber mata.

Dia ela mata e Curasoleño e tabatin dos aña den libertat pa intento di asesinato.

E tempo aya hues a duné condena leve pasora e no ta completamente responsabel pa su actonan.

Despues di a pasa 20 aña den un instituto forensico, sikiatronan a haña cu e por retorná den sosiedad pero no a dura hopi cu ela bolbe mata hende.

Último dlanan di subida Tante Reagan yama polis tur dia pasobra e homber tabata menasá y maltrat'é pero polis tabata siego y sordo.

E tabatin su telefòn di tal manera instalá cu e ta primi un boton y telefòn ta zona na warda di polis, asina miedu e tabatin dje homber.

E su miedu tabata hustifica pasobra e homber ta mas peligroso cu un colebra ‘dik’ pero e sistema a faya. Ela pidi yudansa te fada sin haña.

Bisiñanan dje victima a conta cu nan ta hostiná riba polis pasobra e victima a yama polis te cansa pero nan no a haci algu contra e homber kende tabata prohibi pa drenta den e caya.

Nan ta sospechá cu ta bayendo cas dje victima e homber a cumpra e cuchú y despues dje asesinato ela kòrta su mes tambe.

Hendenan dje barío tabata yora riba caya pa e falta di responsabilidad di polis pasobra nan falta di akta-cion ta scandaloso.

Pa di tres biaha

Hulanda a dicta Ordo di Instruccion ayera

WILLEMSTAD – Ayera mainta gobièrno di Corsou a anuncia loke NOBO a raportá diahuebs caba esta cu ayera Hulanda lo dicta Omedida di Instruccion y esey a sosodé tambe aunke cu un par di minister di Corsou a purba desmenti esey.

Asina mes ayera mainta nan a purba di camuflá e desicion anunciando cu Corsou y Hulanda a yega na un entendemento pa loke ta trata e Acuerdo di Cresemento. Di un banda nan tin rason pasobra no tin acuerdo di Instruccion pasobra esey Hulanda ta dicta riba nos isla y awor lo bai marca pouta di maneho finansiero.

Firmamento di e Acuerdo di Cresemento ta pa duna un impulso na ehecutcion di e Strategia di Cresemento cu Gobièrno di Corsou a bin ta traha riba dje último tempu.

DI TRES BIAHA

Esaki ta di tres biaha cu gobièrno di Corsou ta haña instruccion pasobra finansa di nos pais no ta na òrdo aparte di cantidad di cos cu ta un desòrdo.

E situacion cu a Crea ayera ta bin nuebe aña despues cu na 2010 Hulanda a tuma debe di Corsou over a cambio di e derecho di pone nos isla bou di curatela y supervisa nos asuntunan finansiero.

E fout cu nan a hasi ta cu a tuma e debe over pero no a ataca e problema na su origen pa implanta un maneho finansiero sano. Djis kòrda riba e maneho finansiero dje periodo di gabinete Schotte.

Ne momentonan aki ta Saba cu Aruba so no tin curatela pero cuanto mas Aruba por wanta no ta conosi. Nuebe aña nos tin ta chambuká pa logra autonomia real sin alcanza e meta pasobra e maneho finansiero

di e sucesivo gobièrnonan tur a fracasá.

A resultá cu laga Hulanda paga e debe so sin hiba un rumbo finansiero so no ta yuda.

Situacion a pega tambe pasobra Corsou no por conta cu asistencia finansiero di Hulanda den caso di problema pero esey tampoco te problema mas grandi.

E problema mas grandi ta e hecho cu a keda demostrá cu Corsou no tin e aparato gubernamental ni gobernantenan competente pa dirigi y goberna e pais aki. I pa completa obra, no tin control parlamentario riba gobièrno.

Pafó di nos frontera tambe tin manera un conspiracion pa hundi nos pais cu e situacion na Venezuela cu a yuda Cremp nos economia y un desempleo di riba 20 porshento.

Ta e luna aki gobièrno a haña sa esey.

Na yanuari Hulanda a firma cu Corsou pa ehecutá un plan pa cobra belasting pero no a logra exitosamente y Hulanda no a keda contento y despues ey a faya tanto biaha asina, Hulanda a dicidi di ehersé loke a keda palabrá, esta nan ta bira nos tutor finansiero. Cuanto tempu esey lo dura ni pitoniso no por conta nos.

Januari Hulanda a firma cu Hulanda pa ataca plan di belasting pero no a logra.

 Website: www.awemainta.com	 Facebook: www.facebook.com/awemainta	 E-mail: noticia@awemainta.com	 Tel: 583-1400	 Fax: 583-1444	
 Twitter: www.twitter.com/awemainta					
 YouTube: www.youtube.com/awemainta					
 Instagram: www.instagram.com/awemainta					
					

Cambio di Teritorio Insular Corsou pa pais Autonomo a perhudicá amtenar

WILLEMSTAD. E cambio constitucional di Corsou como teritorio insular den Reyno pa Pais Autonomo den Reyno a perhudiká e derechi material di un amtenar cu no tabata di acuerdo cu e klasificacion di rango cu gobierno a duné. E amtenar a keda ‘entre la espada y la pared’ y na final e ‘pared’ a basha’bou y e ‘espada’ a likidá su speransa di haña un mihó posicion den gobierno.

Por sierto cu despues di 101010 a resultá cu posicion material di sentenares di amtenar tabata asina mal reglá cu gobierno a contratá bufetenan di abogado cu ta ganando 100.000 florin pa luna pa atende e reclamonan di amtenar. Stail di “de een zijn dood is de ander zijn brood” solamente cu e ‘brood’ a bay pa bufetenan cu tabata na fabor di gobierno pasobra ta nan a haña paki di caso pa bringa pa gobierno.

Den e caso aki e señora cu a reclama a keda klasifiká como Beleidsmedewerker-A mediante dekreto di 19 di februari 1916 cu forsa retroactivo te 101010.

E señora a apelá den corte y na 2017 corte a traha e caso dos biaha y ultimo biaha dia 3 di yuni ultimo.

Ounke no a mencioná konkretamente t adicon e señora a haña un rango cu e ta considerá inferior na su capacidad y prestacionnan, supuestamente su hefenan a husa cu su funcionamentu no tabata perfecto.

Ta fiha den ki posicion ta hinca e amtenar despues di combersa cune y pone su evaluacion riba papel.

E amtenar tin un luna oportunidad pa discuti e evaluacion di s persona y tin regla pa haci esaki.

E amtenar tin un luna di tempo pa manifestá su disconformidad cu e relasio cu gobierno a fiha pe, un umento, gratificacion of cualkle otro recompensa.

E señora tabata den servisio na Dienst Cultuur & Educatie di teritorio insular di Corsou y dia 9 di decèmber 2011 a haña e funcion di Beleidsmedewerker-A na Ministerio di Bestuur, Planning en Dienstverlening di Pais Corsou.

E señora no tabata di acuerdo cu e nombramentu A y a pidi pa hinké den categoria B pero gobierno a pone su reclamo un banda.

E no por a reclama serca corte di empleado publico sino den corte sivil e mester a bringa e caso.

Gobierno a cometé un fayodora di tuma un desicion riba e caso na lugá di manda e caso pa un tribunal sivil.

Di akeurdo cu un desicion di Bestuurscollege di dia 28 di april 2010, mester a evaluaa su funcion di nobo pero gobierno a faya di acorda esaki despues di 101010.

Esey a pone cu normalmente e lo a cay den categoria B di

colaborador cu ta paga scal 12 pero awor a cay den categoria A cu ta paga scal 11.

E señora su argumentonan tur tabata perefekto pero pa regla di gobierno e no por a haña rason pasobra un desicion di Besuurscollege cu nan a tuma promé cu 101010, no ta un obligacion pa gobierno di Corsou Autonomo y por lo tantu ela pèrdè su caso.

Secretario di Estado, van Veldhoven ta bishitá Hulanda Caribense



KRALENDIJK - Secretario di Estado van Veldhoven lo haci un bishita di trabou na Saba, Sint Eustatius y Bonaire di 14 pa 18 di juli awor. E bishita ta specialmente den cuadro di esfuersonan ambiental pa mantené e islanan limpi y abitabel.

E biahe di trabou ta cuminsá na Saba. Aki lo hiba combersacion cu

Gezaghebber y algun miembro di Colegio Ehekutivo. Seguidamente e Secretario di Estado lo bishitá e planta nobo di kima sushi, trahá pa resistí orcan, y tambe e área di separacion di sushi. Riba e di dos dia na Sint Eustatius tambe lo bishitá proyectonan ambiental y e terminal petrolero NuStar. Banda di esaki lo hiba combersacion tocante maneho di sushi cu Comisario di Gobièrno y su remplasante.

E bishita di trabou na Bonaire ta den cuadro di maneho di sushi, vuurwèrk, e plan di accion di coral y combustibel.

E Secretario di Estado lo sera e área ilegal pa dùmper sushi mas bieu na Hulanda Caribense y lo tuma e promé paso den comienso di construccion di un almacenahe pa vuurwèrk nobo y save. Tambe lo e duna señal pa start cu sanamento di asbèst na un èx criadero di cabaron.

Riba tur tres isla lo haci palabracion pa hunto pone un fin na uso di plastick deshechabel, pa mantené e islanan limpi, abitabel y tambe pa preservá e naturalesa único.

Gobierno a degrada amtenar sin sa ki ta su tarea

Hues a duna funcionario di SOAW rason den caso contra gobierno



WILLEMSTAD. Otro caso cu gobierno a hereda for dje 'boedel' di desicionnan parotin cu gobierno di Corsou a tuma despues di 101010 ta di un funcionario cu a pidi pa revisa e funcion nobo cu ela haña na SOAW y cu gobierno a ninga di coregi.

Ela gana e caso pa un motibu masha simpel: e gobierno c.q. minister cu a tuma e desicion no tabata sa mes ki e amtenar tabata haci y ki su tarea tabata te pa e por a balota si e funcionario ta merese e funcion of laga.

E amtenar, den e caso aki ta un dama, a demanda gobierno y a hiba gobierno corte pero a bay den compania di abogado plus un experto riba e tereno dje ministerio, cu ta Victor Monk.

Final dje caso tabata cos cu por a premira: hues a constata cu gobierno no tabatin (suficiente) nocion di loke e empleada publico ta haci y e tareanan cu a encargá e dama pa haci den funcion interino.

Aña pasá april e señora a pidi gobierno pa revisa su posicion huridico y nombré como consehero consultor Klase D na SOAW siendo cu e nombramentu original tabata como klaborador Klase D.

Na april di 2017 gobierno a dun'e encargo pa ocupa e funcion di consehero/coknsultor Klase D ne ministerio. Nan a duné e compensacion cu ta cuadra cu e rango aki cu forsa retroactivo 1 september 2014 despues cu ela ocupa e funcion mas cu 3 aña consecutivo.

Gobierno a uza como argumento cu e no a ocupa e funcion sin interrupcion durante 3 aña.

Hues a saca sòm y a constata cu legalmente e señora ta ocupando e funcion for di 1 september 2014.

E desicion pa e señora ocupa e funcion interinamente ta keda bay valido y cu tur e tempo ey ela funsona como consehero di Victor Monk.

Gobierno na su turno a argumenta cu e hefe di SOAW cu Monk a bisa e señora na 2017 cu e no tin e encargo di interino mas.

Hues kier a sa si despues cu e Hefe di Sekcion y Monk a bisé cu pago di compensacion a caba si ela sigi cumpli cu su rabou, gobierno a contesta di un forma masha ambivalente.

Ambivalente pasobra gobierno mester a contesta un pregunta pa cual nan no tabatin contesta.

Segun gobierno, e dama tabatin masha libertat pa bin y bay pasobra e tabata siguiendo un curso y tabata haci trabou pa Ministerio Publico den un oficina cu OM a pone na su disposicion.

Por lo tantu hefe dje ministerio no tabata sa ki ora e señora tey of laga y kico e ta haciendo.

Pa hues esey tabata suficiente motibu pa dica cu gobierno mes no tabata sa kico e señora tabata haci y ki ora y a ordena pa anulá e desicion cu nan a tuma y cu e señora tin rason den su reclamo.

Ademas gobierno mester paga e señora 1400 florin pa cubri su gastunan di abogado.

Royal
Aurora

Funeral Home & Crematory

“ Laga e muchananbiniserkaMi,
No kitanan di bini,
Pasobra reino di Dios tapertenesé
Naesnan manera nan “
Mateo 19:14

Cu hopi tristeza pero conforme cuboluntad di dios, nos ta participa fayecimento di nos angelito hopi stima:



D'AngeloDjoenWebb

Yama cariñosamente D.G.
*27-01-2004 - 04-07-2019

Na number di su mama: Lisbeth Webb

Tata: AngeloLaurant

Rumanan: Bryan Webb
LiandroWebb
Ozzie Webb

Welanan: Lucita(Chita) Webb-Geerman
Sandra Laurant

Welonan: Martin Webb
Charles de Lima

Tantanen: Patricia Laurant y famia
Valeska Laurant

Omonan: Raul y NekeWebb
Gilbert y Jo-Ana Kelly
Dennis y NatushaWebb
Sergio y ShahairaLaurant

Primanan: AdiaLaurant
Diandra Webb
Tatiana Cuba
G' Ana- Marie Kelly

Primonan: IsaíasWebb
Jacob Webb
Gilbert Kelly
Gilmer Kelly

Madrina: EdisonaCardoze

Padrino: RaulWebb

Demas Famia: Webb-Laurant-De Lima- Geerman- Kock-Perez- Matos- Tromp- Krozendijk- De Cuba- Angela- Willems- Arcaya- Cuba- Kelly- Boekhoudt- Paesch- Kransen- Orman- Britten- Wever- Thode- Maduro- Koolman- Lopez- Peinado- Farro- Rombley- Chirino- Guanipa- Croes- Lampe- Melendez- Laker- Castellanos- Leon- Cardoze- Eights.

Ta invita tur bisiña y conocirnanpaasistina e acto di entierro cual lo tuma lugar diasabra 13 juli 2019 na misa Santa Anna naNoord.

Resto mortal di nos angelito lo ta reposa for di 2or di atardi den misa y pa 4or di atardi saliendo di misa Santa Anna pa Santana CatolicoNoord.

Lo baytin un box disponibel den misa pa un bon causa.

Condolencia lo tuma lugar riba siguientedianan y na cas Kamay 12 B:
Dialuna 8 juli 2019 for di 7or pa 9or di anochi.
Diaranzon 10 juli for di 7or pa 9or di anochi.

Nos kier a pidi nos disculpa si den nos tristesa nos por a lubida un of otro famia.

Ta lamenta pero despues di entierro nos no taricibibishita di condolencia nacas.

Ta desea pafamia no binnarouw, sino ta desea pabinna Baby Blue.

Royal
Aurora

Funeral Home & Crematory

“Bo ta gusta hunga domino
Hunga bingo, bai casino
Wak baseball,
Wakfutbol
Tennis, wak Laura,
wak tur cos cu drama
Sa cusemperbo lo tacu nos
Momentonantrankilo mi lo scuchabobos
Mi tabatasacu un diabo lo bai
Cu un diabo lo no tey mas
Cu un dianarudia mi lo cai
Y pidi Papa Dios no kibra mi cas”

Cu inmenso dolor na nos curason pero agradecido pa tur locual e la nificapa nos, nos ta anuncia fayecimento di nos esposo, tata, abuelo, ruman, omo, bisinja, amigo y conocir



Ascencion Bonifacio Tromp

Cariñosamente yama: “ ChonChonofChon “
Ex trahado di Elmar
*14-05-1942 – † 10-07-2019

Na number di suEsposa: Ana Rosa DeliaTatisTromp

Yiunan: Randy, DamiraOdor y yiunan
Elvis “Fenny”yyiunan
Jairzinho “Jair” y yiu
Mayra, Juni Semerel y yiunan
Hijastra/o: Clara Paulino y Federico Paulino
Rumannan: Jose “Turpin”Tromp y famia
MianoTromp y famia
Jacintho “Chin”Tromp y famia
Juliana Gil y famia
TheresitaThode y famia
†Mariano Tromp y famia
Eduardita Gil y famia
Clea Farro y famia
Antonio Farro

Nieto/a nan: Björn, Nina, Liram, Radamhir, Dhyraen, Jacquiême, Jeshua, Jacquiëlle, Jaimely, Jaxxden, Zoey y Hailey

Suegra y Suegro: Fedora Perez y Rodrigo Antonio Tatis

Swa y Cuña nan: MiosotisPerez y FelixFermin, Giovanni Tatis, Jonny Perez, Katia Sanchez, Wilson Tatis y Rodrigo Tatis.

Amigonan di cas: Harold, Lou
Ex-coleganannan di: ELMAR NV y Clean Up CleaningServices

Famia, bisiña y conocirnan di: Sabana Liber y Barcadera
Compañero/a nan di su teamnan:NoordStars Domino Team, Baracuda BiljartTeam, Free ZoneGangTeam.

Su teamnan di futbol:Noord Central, Jong Aruba y HooibergVets
Demas famianan: Tromp,Tatis,Odor, Semerel, Semeleer, Martina, Marti, Geerman, Gil, Thode, Farro,Solognier, Faro,Britten,Marapin,Pourier, De Palm, Jimenez, Croes, Ruiz,Zievinger, Gomez, Figaroa, Arends, Perez, Sanchez, Dijkhoff. Molero

Ta invita tur amigo, bisiña y conocirnanpaasistina e acto di entierocu lo tuma lugar na Misa Santa Anna naNoorddiamars 16 di juli 2019 di 2’or pa 4’or di atardi. Despues lo salipa Santana CatoliconSta Anna.

Condolencia lo tuma lugar na Aurora Funeral Home dialuna 15 di juli 2019 di 7’or pa 9’or di anochi.


Nos kier a pidi nos disculpa si den nos tristeza nos por a lubida un of otro famia.

Ta lamenta pero despues di entierro nos no taricibibishita di condolencia nacas.

Royal
Aurora

Funeral Home & Crematory

Cu dolor nanoscurasonperohopiagradecido pa tur locual e la nifica y haci pa nos, nos ta anuncia cu a bay drumi den brasa di Señor:



Junior Fenelon

*20-09-1985 - †12-07-2019

Acto di entierro lo wordoanunciadespues.

Royal
Aurora

Funeral Home & Crematory

Cu tristesaperocontento pa loke ela nifica pa nos, nos ta anunciafayecimento di:



Carla Elvira Arends - de Cuba

11 maart 1933 – 11 juli 2019

Na number disu:

Yiunan: Gisela & Clifton Hollander – Arends
Quetica Arends
Contran Arends

Nietonan: Melissa & Ricardo Roubicek – Hollander
Kristine Hollander & Terence Croes
Andreina& Nathan Ponson – van Romondt
Jolaine van Romondt
Talitha van Romondt
Clifton – John Hollander

Bisanietonan: Vega, Brandon, Aliya, Alianni y Luna

Rumannan: Lilia de Cuba
Edna Arends – de Cuba

Sobрино y sobrinanan

Su bon bisiñanan: MarietaWanapa&famia
Evelina Holman &famia

Suayudantenan: Elisa y Amparo

Ta invita pa asistina e condolencia y acto di despedida cu ta tumalugarna Royal Funeral Homedialuna 15 di juli 2019 di 2or pa 4or pm, despues ta salipa Santana CatoliconaCaya Ernesto Petroniana Playa

Despues di entierro, lamentablemente, nos no por ricibibishita di condolencianacas.

Entrada hudicial cu un detencion y confiscacion



The Lord is my shepherd; I shall not want.
He maketh me to lie down in green pastures:
he leadeth me beside the still waters.
He restoreth my soul: he leadeth me in the paths
of righteousness for his name's sake.
Psalm 23: 1-3

It is with deep sorrow we announce the passing of:



Teodor Fernando Patterson

*21-10-1945 - †11-07-2019

Former employee of:
Chicago Bridge & Company
Nederex
NAC
Dik & Doof

Left to mourn his loss are his:

Children :
Floyd Patterson
Annette Patterson
Jennifer & Eric Gumbs-Patterson
Sheine Patterson

Grandchildren:
Denzel Patterson
Amber Patterson
Delaine Patterson
Chanel Patterson

Mothers of his children:
†Dora Tarr
Maritza Poulino

Brothers:
†Julian Patterson
Recaldo Patterson
†Jose (Smiley) Hughes
Clement Hughes
Vincent Hughes

Sisters:
Eudine Patterson
Arlene Patterson
Lucrecia Hughes
Lucienne Hughes
Angela Stokes-Hughes

Goddaughter:
Jeritsa Montilla-Cremeny

Cousins, nieces and nephews too numerous to mention

Related to families:
Patterson, Gumbs, Hughes, Stokes, Hazel, Hodge, Nadal,
Woods, Isei, St. Jago, de Miranda, Groen, Griese, Koeman,
Eustace, Bayne, Haddocks, Brown, Buddy, Raphaëla, van
Heyningen, Richardson, Rafael, Fenton, Tarr, Heyliger, Wilson.

Farewell service will be held Monday July 15, 2019 from 2 to 4
pm at Aurora Funeral Home followed by cremation service in
family circle.



Cu hopiduele, peroconforme cu boluntad di Dios nos ta
participafayecimento di nos
Mama, Wela, Bisawela y TataraWelahopistima:



Petra de Jongh-Farro

* 11DEC29 - †12JUL19

Na nomber di su
esposu: +Nilo Hipolito de Jongh

Yuinan: Erwin y Maria de JonghEveron y yuinan
Norman y Glenda de Jongh Arends y yuinan
Mirelly de Jongh y yuinan
Esmeralda y Adie Wester de Jongh y yuinan
Nelson de Jongh y yuinan
Cristalia de Jongh y yuinan
Nils de Jongh y yui
Iraida de Jongh y yui
Maresco de Jongh y Ruth Kock y yui

Nieto y Nietanan. Meloushka y yuinan,
Maryloushka, Gershwin, Danilo y yuinan,
Kenneth y yuinan, Danielito, Mirea,
Sharlon y yuinan, Arsan y yui, Walfredo y yui, Lynaiska y yui,
Micharina y yui, Daniel y yuinan, Jayden, Chanel, Richenel y
yuinan, Jarziño y yuinan, Megan, Gilliano,

Tataranieta y tataranieta: Howen y Melia.

Rumanan: Phelepina Tromp-Farro y yuinan
+ChristoferFarro y yuinan
+AnaMaria Tromp-Farro y yuinan
+ThomasitaFarro
+JoseRamonFarro y yuinan
+TheresitaFarro y yuinan
+Alfredo Farro y yuinan
+Luisa Farro y yuinan
+CanisiaFarro

Y demasfamia: de Jongh, Farro, Figaroa, Dubero, Tromp,
Everon, Arends, Wu& Ng

Un danki especial naHuizemariestella especial naZusterCiria

Kier a invita tur bisiña amigo y conocirnan pa asistina e acto di
entierocual lo tumalugardialuna 15 juli 2019 pa 4or di
atardisaliendo for di misa Santa Annana Noord pa Santana
Catolico di Noord. E restonan mortal di nos Petra stima lo ta
reposa for di 2or den misa.

Nos ta pidinosdisculpasi den nos tristeza nos por a lubida un of
otrofamia y cu nosta lamenta cu nosno por ricibibishita di
condolencianacas.

WILLEMSTAD - Continuando
cu e investigacion relaciona
cu entre otro atraco na Sero
Loraweg y intento di ladroni-
cia na Jan Thiel polis a tene
diferente entrada hudicial.

Diabierna 12 di juli 2019,
entre 05.00'or pa 05.30'or di
mainta, personal di Team
di Atraco conhuntamente
cu Team di Aresto y Tim di
Mantencion di Òrden Público
a tene entrada hudicial den
cas na:

- Caya Stila;
- Caya Tati;
- Caya Dori, y Tumba straat.

Durante di investigacion na
e adrèsnan ariba mencioná
polis a detené e hòmbènan
sospechoso:

- T.L.M. naci na Corsou di
23 aña die edad;
- R.N.F.Z. naci na Corsou di
34 aña diedad;
- J.R.P. naci na Haiti di 26
aña di edad;
- R.B. naci na Guyana di
31 aña di edad, y tambe un
dama, R.S. naci na Sürnam
di 32 aña di edad.

Tambe polis a haña y confiscá
dos pistol, unu na e cas den
Caya Stlia y e otro na Tum-
bastraat. A presentá tur e so-
spechosonan dilanti un Fis-
cal Auxiliar cu a ordená nan
encarselamento pendiente di
mas investigacion.



E unico corant GRATIS



Abona awo

Manda un e-mail na:

Noticia@awemainta.com

y skirbi e palabranan: *"Ami Kier Abona"*

Like nos riba facebook

Keda "up to date" y like nos riba facebook
www.facebook.com/awemainta



Subi riba nos website

www.awemainta.com

AWEMainta completamente

DIGITAL